



Gooftaan Kee Eenyuu?-Kutaa 4ffaa

Description

Dhalli namaa jirenyaa keessatti keessa ofii faayun jirenyaa gammachuu fi milkaaâ€™innaa gaggeessu barbaada. Salphinnaa fi xiqqueyya irraa baraaramuun fiixee kabajaa fi sadarka olâ€™aana irra gahuuf namni kamiyyuu ni hawwa. Kana galmaan gahuuf hundi keenya karaa adda addaatiin ni carraaqna. Garuu baayâ€™een keenya wanta yaanne kana galmaan osoo hin gahin ni hafna. Sababni kanaa maal akka taâ€™ee beeknaa sila? Sababni kanaa guddaan karaa sirrii gammachuu, kabajaa fi fiixee milkaaâ€™innatti nama geessu hordofu dhiisudha. Namni tokko addunyaa tana keessatti kabajamee fi gammachuun jiraachuuf lubbuu (nafsee) ofii beeku qaba. â€œAni eessaa dhufee? Eenyutu na uumee? Maaliif addunyaa tana keessa jiraadha? Eessa deemaa jira? Hanqinni ani qabu maaliif?â€œ jechuun of gaafata. Kuni hundii gara kaayyoo guddaa tokkotti isa dhiiba. Innis, â€œGooftaa isaa beekudha.â€œ

Man arafa Rabbahu arafa nafsahu (namni Rabbii ofii beeke lubbuu ofii beeke)â€œ jedhan gamnoonni. Sababni kanaa, namniakkuma Rabbii ofii beekuuf carraaqun, eessa akka jiruu fi maaliif akka jiraatu beekaa adeema. Kuni immoo fiixee milkaaâ€™innaa fi gammachuu inni gonkumaa hin yaannetti isa geessa.

Kanaafu, harâ€™as itti fufuun Rabbii nu uumee, qananii Isaatiin Kan nu guddisuu fi nu kunuunsu, bishaan samii irraa buusun Kan nu nyaachisuu fi nu obaasu, guyyaa akka hojjatannuuf ifa, halkan akka boqannuuf dukkana taasise beekuuf carraaqna. Faaruu fi galannii daangaa hin qabne Isaaf haa taâ€™u.

Akkuma kutaalee darban keessatti jenne Rabbitti amanuun wantoota afur of keessatti qabata. Isaan keessaa sadan jalqabaa ilaalle jirra. Harâ€™a immoo kan dhuma ni ilaalla.

4.Maqalee fi Amaloota Isaatti amanuu (Al-Iimaanu bi-asmaâ€™ihi wa sifaatihi)

Kana jechuun Rabbiin maqaalee gaggaarii fi amaloota guutuu oltaâ€™an akka qabu jala muranii itti amanuu fi mirkaneessudha. Rabbiin amaloota guutuu hundaan ni ibsama (ni wassafama), amaloota hanquu irraa qulqulluudha. Rabbiin oltaâ€™aan amaloota guutuu qabaachu fi amaloota hanquu irraa qulqulluu taâ€™uun uumamtoota hunda irraa addaa fi fakkaataa Kan hin qabne taâ€™a[1] Amaloota dhibbaan dhibbaatti guutuu taâ€™an kan qabuu Rabbiin malee hin jiru, amaloota hanquu hunda irraa qulqullu kan taâ€™e Rabbiin malee hin jiru.

Rabbii keenya kan beeknuun sifaata (amaloota) gugguutuu Qurâ€™aanaa fi sunnah Ergamaa Isaa (SAW) keessatti dhufaniini. Maqaalee fi sifaata Rabbiin Qurâ€™aana fi sunnah Ergamaa Isaa (SAW) keessatti ittiin of ibse (wassafe) osoo taâ€™axiila, tahriifa, takyiifa fi tamsiila hin godhiin haala Isaaf maluutiin ni mirkaneessina. Jechoonni armaan olii kunnin hiika cimaa qabuu hordofaa. Sababa kanaan seenaa keessatti namoonni baayâ€™een karaa sirrii irraa jallatan.

Taâ€™axiila jechuun sifaata (amaloota) Rabbii fudhachuu diduudha. Yookiin garii isaanii mirkaneessanii garii isaanii mirkaneessu dhiisudha.

Tahriifa jechuun hima hiika isaa ykn jecha isaa jijiruun hiika ifaa (zaahiraa) irraa fageessudha. Gara afaan keenyatti yommuu deebisnu â€œHima Micciruuâ€• jechuudha.

Takyiifa jechuun haala sifaanni (amalooni) irra jiran ibsu (â€œAkkana jira, akkana jiraâ€• jedhanii dubbachuudha).

Tamsiila jechuun wayitti fakkeessu jechuudha

Namni Rabbii oltaâ€™aatti amanu amaloota Rabbiin ittiin of ibse (wassafe) hundaa fudhachuu (itti amanuu) qaba. Amaloota kanniin micciruu, akkana akkana jiran jedhe dubbachuu hin qabu, wayittis fakkeessuun isarra hin jiru. Mee amaloota Rabbii keessaa tokko â€œedhageetti fi arguuâ€• chaa ilaallu. Rabbiin subhaaanahu wa taâ€™aala wantoota hundaa ni dhagaha, ni arga. Garuu haalli Inni itti dhagahuu fi arguu homaanu wal hin fakkaatu. Dhageetti fi argituun Rabbiin dhageetti fi argituu ilma namaatiin gonkumaa wal hin fakkaatan. Ilmi namaa â€œRabbitiin akkanatti arga, akkanatti dhagahaâ€• jedhee gonkumaa dubbachuu hin dandaâ€™u. Akkataa Rabbitiin wantoota hundaa itti arguu fi dhagahu waan hin beeknef. Akkasumas, Rabbitiin Tokkicha fakkaataa hin qabne waan taâ€™eef. Rabbitiin Subhaaanahu wa taâ€™aala ni jedha:



â€œWanti Isa fakkaatu tokkollee hin jiru. Inni Dhagahaa, Argaadha.â€• Suuratu Ash-Shuura 42:11

â€œKana jechuun uumamtoota Isaa irraa wanti Rabbii oltaâ€™aa fakkaatu tokkollee hin jiru. Zaata Isaatiin, maqaalee Isaatiin, amaloota Isaatiinii fi hojii Isaatiin wanti wal fakkaatu tokkollee hin jiru. Sababni isaas, maqaaleen Isaa hundii gaggariidha, amalooni Isaa hundi amaloota guutuu fi guddaa taâ€™aniidha; Rabbitiin oltaâ€™aan hojiwwan Isaatiin umamtoota gurguddaa shariika (gargaaraa) tokko malee argamsiise. Rabbitiin oltaâ€™an gama hundaan guutuu taâ€™uudhaan addaa fi tokkicha waan taâ€™eef wanti Isa fakkaatu tokkollee hin jiru. â€œInni Dhagahaaâ€• lugaan (afaan) hanga fedhe garagara haa taâ€™uu, haajaan hanga fedhe haa baayâ€™atu Rabbitiin sagalee hundaa ni dhagaha. â€œArgaadhaâ€• halkan garmalee dukkanaaâ€™aa taâ€™e keessatti mixii gurmaati lafa irra deemtu ni arga.â€• [2] Akkuma wantoota samii ol jiran hundaa argu, wantoota dachii irra jiranii fi dachii jala jiran hunda ni arga. Arguu irraa wanti Isa dhoowwu ykn haguugu tokkollee hin jiru. Wanti Isarraa dhokatu tokkollee hin jiru. Subhaaanahu wa taâ€™aala (Inni hanqinna hundarrraa Qulqullaaâ€™e, Oltaâ€™e)!

Rabbitiin subhaaanahu wa taâ€™aala ni jedha:

وَلِلَّهِ أَلْأَسْمَاءُ الْحُسْنَىٰ فَادْعُوهُ بِهَا وَذَرُوا الَّذِينَ يُلْحِدُونَ فِي



أَسْمَتِيهِ سَيْجِزُونَ مَا كَانُوا يَعْمَلُونَ

â€œRabbiif maqaalee gaggaaritu jira, kanaafu isaaniin Isa kadhaa. Warra maqaalee Isaa jallisaniis dhiisaa. Waan dalagaa turaniif fuunduratti jazaa ni argatu.â€ Suuratu Al-Aâ€™araaf 7:180

Rabbiin maqaalee gaggaarii qaba. Kanaafu maqaalee kanniiniin Isa kadhaa. Kan akka Ar-Rahmaan, Al-Ghaffaar, Al-Waduud, Al-Basiir, As-Samiiâ€™i fi kanneen biroo. Maqaalee gaggaariin kunniin amaloonni (sifaanni) Rabbii guutuu taâ€™uu agarsiisu. Fakkeenyaf, Al-Aliim (Beekaa). Maqaan kuni Rabbiin beekumsa wantoota hunda marsee akka qabu agarsiisa. Samii fi dachii keessatti wanti beekumsa Rabbii keessaa bahu tokkollee hin jiru, Inni wantoota hundaa takka takkaan beeka.

â€œWarra maqaalee Isaa jallisaniis dhiisaa.â€ Maqaalee Isaa jallisuun kan taâ€™u- takkaa maqaalee kanniinin wanta biraa waamuu, takkaa immoo hiika maqaalee kanniinii diigu fi micciruudha. Yookiin maqaalee kanniin maqaalee birootin wal fakkeessudha. Wanti dirqama taâ€™e ilhaada (maqaalee kanniin jallisuu) irraa of eeggachuudha. Namoonni maqaalee Rabbii jallisan gara fuunduraatti jazaa ni argatu. Kana jechuun ni adabamu.[\[3\]](#)

Maqaalee fi sifaata Rabbii ilaachisee gareen lama jallatanii jiru.

Iffa-al-Muâ€™uxxillata kan jedhamaniidha. Gareen kuni maqaalee fi sifaata Rabbii hunda ykn muraasa isaanii hin fudhatan. Maqa Rabbii ittiin of waame hiika isaa ni micciru. Kanaafu, garee akkanaa irraa of eeggachuun ni barbaachisa. Fakkeenyaf, ahbaash, Ashâ€™aari, Muâ€™tazilaa fi kkf

2ffa-al-Mushabbihata- gareen kuni maqaalee fi sifaata Rabbii hunda mirkaneessanii fi fudhatanii garuu Rabbii uumamtoota Isaatiin wal fakkeessu. Rabbii oltaâ€™aa uumamtootan wal fakkeessun baaxila (soba). Rabbii Tokkicha fakkaataa hin qabneedha. Rabbii ni jedha:



فَلَا تَصْرِبُو إِلَّهَ الْأَمْثَالَ إِنَّ اللَّهَ يَعْلَمُ وَأَنْتُمْ لَا تَعْلَمُونَ

â€œRabbiif fakkeena hin godhinaa. Dhugumatti Rabbii ni beeka, isin hin beektan.â€ (Suuratu An-Nahl 16:74)

Gareewwan lamaan kanaaf deebii kan taâ€™u Aaya suuratu ash-shuura jalqabarratti eerredha. â€œWanti Isa fakkaatu tokkollee hin jiru. Inni Dhagahaa, Argaadha.â€ Suuratu Ash-Shuura 42:11

Warroota Rabbii uumamtootaan wal-fakkeessan, Rabbii akkana jechuun deebii kenneef, â€œWanti Isa fakkaatu tokkollee hin jiru.â€ Warroota maqaalee fi sifaata (amaloota) Isaa hin fudhanne immoo akkana jechuun deebii kenneef, â€œInni Dhagahaa, Argaadha.â€ Kanaafu, namni nageenya fi milkaâ€™inna barbaadu garee kanniin lamaanii fi yaada isaan qabatan irraa of eegu qaba. Yaanni isaan qabatan Qurâ€™aanaa fi sunnaan waan wal faallessuuf.

Yeroo tokko ilmi Jaâ€™afar Suleymaan Haashimiyy waaâ€™ee Rabbii ni dubbata, ni ibsa, wayitti fakkeessa. Ergasii Aalimni (hayyuun) Islaamaa Abdurahmaan bin Mahdiyyi jedhamu gurbaa kanaanakkana jedhe, â€œYaa ilma koo! Jalqaba irratti hanga waaâ€™ee uumamtotaa dubbannuu mee suutajedhi. Nuti uumamaa (makhluuqa) [hubachuu] irratti dadhabaa yoo taane, Khaaliqa [hubachuu] irrattikana caalaa dadhabaa taana. Hadiisa Shuâ€™ubahn, Sheybaana irraa natti odeeesse mee natti himi. Sheybaanakkana jedha, Saâ€™iid bin Jubeeyriakkana kan jedhu dhagahe: â€œ**Dhugumatti, inni (Muhammad (SAW)) mallatoolee Gooftaa isaa gurguddoo irraa argeera.**â€ (suuratu An-Najm 53:18) Aayaa (keeyyata) tana ilaachise Abdullah ni jedhe, â€œNabii Muhammad (SAW) Malaykaa Jibriliin koola dhibba jaha (600) kan qabu taâ€™ee arge.â€ Ergasii gurbaan kuni yaada keessatti lixeehafe. San booda, Abdurahmaan gurbaa kanaan ni jedhe, â€œYaa ilma koo! Gaafi siif haa salphisu. Koola 597 sirraa buusa. Uumama kana koola sadiin naaf ibsi. Koola sadiin kana bakka lama Rabbiin hin godhinggachuun naaf ibsi.

Gurbaan ni jedhe: Yaa abbaa Saâ€™iid uumamaa (makhluuqa) ibsuu irraayyu dadhabne jirra. Amala (sifata) Khaaliqa (Uumaa) ibsuu irraa kana caalaa dadhaboodha (gonkumaa sifata Isaa â€œakkanaakkana jiran ykn kana fakkaatanâ€ jennee ibsu hin dandeenyu). Ani san (wayitti fakkeessuu) irraa deebiâ€™u koo ragaa nan baha. Rabbiin araarama kadha.â€ [\[4\]](#)

Gonkumaa Khaaliqa makhluuqan (wanta uumameen) wal fakkeessun hin dandaâ€™amu. Sababa wal-fakkeessutiin namoonni â€œIyyasuus gooftadhaâ€ jechuu waaqefatan, akkasumas namoonni taabotaa fi wantoota biroo gabbaran daandii sirrii irraa jallatanii jiru. Rabbiin Guddaadha. Wanti Isa caalaa guddaa taâ€™e hin jiru. Kanaafu, akkamitti fakkaataa qaba ree? Maaliin wal fakkeessun dandaâ€™amaa? Samii fi dachii hangana gurguddatan Kan uume akkamitti fakkaataa qabaa? Gonkumaa fakkaataa hin qabu. Rabbiin Tokkicha Of dandaâ€™aa fakkaataa hin qabneedha.

Namni sifaata Rabbii hin fudhannee fi umamtootaan wal-fakkeessu urgaa iimaanaa hin urgeefatu, miâ€™aa isaa hin dhandhamu. Akka nama qufaan qabee taâ€™a. Namni qufaan qabe urgaa gaariiurgeefachuu fi miâ€™aa gaarii dhandhamuun itti ulfaata.

Yommuu sheyxaanni wanta hin taane qalbii keessatti darbu waa lama gochuun nama baraara.

1ffaaâ€“ gara Rabbiitti fiigun eeggumsa barbaadu. Rabbiin ni jedha, hiikni isaa:

â€œYoo garagalchaan (hasaasni badaan) sheyxaana irraa sitti dhufe, Rabbitti maganfadhu.

Dhugumatti Inni Dhagahaa, Argaadha.â€ Suuratu Al-Aâ€™araaf 7:200

Fakkeenyaf, aâ€™uuzu billaahi mina sheyxaani rajjiim jechuu. [Suuratu An-Naas \(qul aâ€™uuzu birabbi naas\)](#) irra deddeebiâ€™anii dubbisuu. Wanta badaa sheyxaanni namatti darbu qalbii keessaa akka baasu Rabbiin kadhachuu.

2ffaaâ€“ jecha Rabbii oltaâ€™aa yaadachu fi arrabaan jechuu,

﴿لَيْسَ كَمِثْلِهِ شَيْءٌ وَهُوَ السَّمِيعُ الْبَصِيرُ﴾

â€œWanti Isa fakkaatu tokkollee hin jiru. Inni dhagahaa, argaadha.â€ Suuratu ash-shuura 42:11

Guduunfaa

â€œMaqaalee fi Amaloota Rabbitti amanuu jechuu Rabbiin maqaalee gaggaarii fi amaloota guutuu oltaâ€™an akka qabu jala muranii itti amanuu fi mirkaneessudha.

âœ’Maqaalee fi amaloota Rabbii osoo hin micciriin, wayittuu hin fakkeessinii fi akkana jiran osoo hin jedhinakkuma Qurâ€™aanaa fi sunnaa keessatti dhufanitti fudhachuun karaa nageenya fi milkaaâ€™innatti nama geessudha.

âœ’Rabbiin gama hundaan guutuu waan taâ€™eef wanti Isa fakkaatu tokkollee hin jiru.

âœŽNamni amaloota Rabbii osoo wayitti hin fakkeessinii fi â€˜akkana jiranâ€™ jedhe osoo hin dubbatin fudhatu, dhugumatti miâ€™aa iimaanaa ni dhandhama.

âœŽWaaâ€™ee Rabbal aalaminaa ilaachisee sheyxaanni waan badaa yommuu sitti darbu gara Rabbii keeti fiigi, najaa (nagaha) baatati.

Kitaabban wabii

[\[1\] Al-Imaanu haqiqatuh, khawaarimuh, nawaaqiduh inda ahli sunnati wal jamaâ€™a](#) fuula 247

Abdullah bin Abdulhamid Al-Asarii

[\[2\] Taysiral Kariimul Rahmaani fii tafsiiri Kalaamil Mannaani](#) â€“ Abdurahmaan Naasir Saâ€™dii, fuula 888

[\[3\] Gabaabbinnaan madda olii-](#) fuula 351-352 irraa fuudhatame

[\[4\] Hayatu Salafi; beyna al-qawli wa al-amali](#) fuula 27

[Sharih Usuuli salaasa](#) Fuula 88-89 Ibn Useymiin

Date Created

July 7, 2018

Author

admin